

全漢三國晉南北朝詩

第二函
五十一冊

全陳詩卷四

無錫丁福保仲祐編纂
貞靜園書

顧野王

字希馮吳郡吳人也少以篤學至性知名梁大通初除太學博士歷臨賀宣城瑯邪三王官入陳歷撰史學士後主東宮管記光祿卿有集十九卷

羅敷行

東隅麗春日南陌采桑時樓中結梳罷提筐候早期風輕鶯韻緩露重落花遲

露重古樂苑作霜灑

五馬光長陌千騎絡青絲使君徒遣信賤妾畏蠶饑

芳樹

上林通建章雜樹遍林芳日影桃蹊色風吹梅逕香幽山桂葉落馳道柳條長折榮疑路遠用表莫相忘

有所思

賤妾有所思良人久征戍笳鳴塞城表

樂府作笳鳴塞表城註一作笳鳴胡塞表

花開落芳樹白

登澄月色黃龍起煙霧還聞雉子斑非復長征賦

隴頭水

隴底望秦川迢遞隔風煙蕭條落野樹幽咽響流泉瀚海波難息交河

冰未堅寧知蓋山水逐節赴危絃

長安道

鳳樓臨廣路仙掌入煙霞章臺京兆馬逸陌富平車東門疎廣錢北闕
董賢家渭橋縱觀罷安能訪狹斜

陽春歌

春草正芳菲重樓啓曙扉銀鞍俠客至柘彈宛一作婉童歸池前竹葉滿
井上桃花飛薊門寒未歇爲斷流黃機

豔歌行三首

夕臺行雨度朝梁照日輝東城採桑返南市數錢歸長歌挑碧玉羅塵
笑洛妃欲知歡未盡棲鳥已夜飛

齊倡趙女盡妖妍珠簾玉砌併神仙莫笑人來最落後能使君恩得度
前豈知洛渚羅塵步詎減天河秋夕渡妖姿巧笑能傾城那思他人不
憎妬蓮花藻井推芰荷採菱妙曲勝陽阿

燕姬妍趙女麗出入王宮公主第倚鳴瑟歌未央調弦八九弄度曲兩

三章唯欣春日永詎愁秋夜長歌未央倚鳴瑟輕風飄落蕊乳燕巢蘭室結羅帷翫朝日牕開翠幔卷妝罷金星出爭攀四照花競戲三條術

餞友之綏安

見松風餘韻

谷風揚暖律扶旭開餘靄蘭芽被平臯冰漸泮微瀨悟彼芳歲新愜此賞心會絲竹邯鄲倡朋游鄴中蓋貢橘偉含滋仙緇妙飛鱸陵嶒眺廣嶽浩漭窮溟海衆賓悅禮遇遠俗懷仙愛操輸本非工無譏比曹鄴

傅緯

字宜事北地靈州人梁太清末携母南奔避亂王琳引爲記室琳亡陳文帝召爲撰史學士後主立累遷秘書監右衛將軍兼中書通事舍人性本強負才使氣施文慶等譖之後主收下獄緯憤恚於獄中上書極諫後主怒賜死有集十卷

採桑

羅敷試採桑出入城南傍綺裙映珠珥絲繩提玉筐度身攀葉聚聳腕及枝長空勞使君問自有侍中郎

天馬引

驄色表連錢出冀復來燕取用偏開地爲歌乃號天權奇意欲遠躑躅勢難前本珍白玉鐙因飾黃金鞭願酬芻秣寵千里得千年

雜曲

江總徐陵同賦

新人新寵住蘭堂翠帳金屏玳瑁牀

玉臺作梁

叢星不似珠簾色度月還如

一作同

粉壁光從來著名推趙子復有丹脣發皓齒一嬌一態本難逢如

畫如花定相似樓臺宛轉曲皆通弦管逶迤徹下風此殿笑語長相共

一作恒長共

傍省歡娛不復同訝許人情太厚薄分恩賦念能斟酌多作繡被

爲鴛鴦

一作雙鴛

長弄綺琴憎別鶴人今投寵要須堅會使歲寒恆度前共

取辰星作心抱無轉無移千萬年

褚玠

字溫理河南陽翟人起家王府法曹爲山陰令去官之日貧不堪自致皇太子賜粟米二百斛得還都令入直殿省累遷御史中丞有集十卷

鬪雞東郊道

曹子建名都篇曰鬪雞東郊道走馬長楸間

春郊鬪雞侶捧敵兩逢迎妬

一作詭

羣排袖出帶勇向場驚錦毛侵距散

芥羽雜塵生還同戰勝罷耿介寄前鳴

岑之敬

字思禮南陽人年十六對策擢高第累遷晉安王中記室陳太建初授東宮學士轉南臺侍御史征南府諮議參軍性謙謹士君子以篤行稱之

折楊柳

將軍始見知細柳繞營垂懸絲拂城轉飛絮上宮吹塞門交度葉谷口

暗橫枝

橫樂府作還

曲成攀折處

成樂府作城

唯言怨別離

洛陽道

喧喧洛水濱鬱鬱小平津
路傍桃李節陌上採桑春
聚車看衛玠連手望安仁
復有能留客莫愁嬌態新

對酒

色映臨池竹香浮滿砌蘭
舒文泛玉盃漾蟻溢金盤
簫曲隨鸞易笳聲出塞難
唯有將軍酒川上可除寒

烏棲曲

驄馬直去沒浮雲河渡冰開兩岸分
鳥藏日暗行人息鳥古樂苑作鳥空棲隻影
長相憶明月二八照花新
當壚十五晚留賓

徐伯陽

字隱忍東海人大同中爲候官令甚得人和陳天嘉中爲侯安都記室參軍累遷鎮安新安王府諮議參軍

日出東南隅行

朱城璧日啓朱扉

玉臺云丹城璧日映朱扉

青樓含照本暉暉遠映陌上春
桑葉斜入

秦家綉綺衣羅敷粧粉能佳麗
鏡前新梳倭墮髻圓籠裊裊挂青絲
鐵

鈎冉冉勝丹桂蠶飢日晚慙生愁忽逢使君南陌頭五馬停珂遣借問
雙臉含嬌特好羞妾壻府中輕小吏卽今來往專城裏欲識東方千騎
歸藹藹日暮紅塵起

遊鍾山開善寺

聊追鄴城友躡步出蘭宮法侶殊人世天花異俗中鳥聲不測處松吟
未覺風此時超愛網還復洗塵蒙

蔡凝

字子居濟陽考城人天嘉中尙主拜駙馬都尉遷給事黃門侍郎後主嘗
置會羣臣將移燕弘範宮凝不奉詔後主怒之遷晉熙王長史陳亡入隋

賦得處處春雲生

謝朓和劉西曹望海臺詩曰
往往孤山映處處春雲生

春色遍空明春雲處處生入風衣暫歛隨車蓋轉輕作葉還依樹爲樓
欲近城含愁上對影似有別離情

蔡君知

凝之子
頗知名

君馬黃

君馬經西極

經古樂
府作徑

臣馬出東方策舉浮雲影

策舉古樂
府作足策

珂連明月光水凍

恆傷骨蹄寒爲踐霜躊躇嗟伏櫪空想欲從良

阮卓

陳留尉氏人幼聰敏篤志經籍尤工五言性至孝有廉節仕陳爲新安王府記室累遷德教殿學士聘隋還除南海王府諮議參軍陳亡入隋

關山月

關山陵漢開霜月正徘徊映林如璧碎侵塞似輪摧楚師隨晦盡胡兵逐暖來寒笳將夜鵲相亂晚聲哀

長安道

長安馳道上鐘鳴宮寺開殘雲銷鳳闕宿霧歛章臺騎轉金吾度車鳴丞相來藹藹東都晚羣公騶御回

詠魯仲連

魯連有高趣意氣本相求笑罷秦軍却書成燕將愁聊棄南金賞方從滄海遊寄言人世客非君能見留

賦得風

高風應爽節搖落漸疎林吹雲旅鴈斷臨谷曉松吟屢惜涼秋扇
初學作棄

常飄清夜琴泠泠隨列子彌諧逸豫心

賦得蓮下游魚

春色映澄陂涵泳且相隨未上龍門路聊戲芙蓉池觸浪蓮香動乘流
葉影披相忘自有樂莊惠豈能知

賦得黃鵠一遠別

蘇武詩黃鵠一遠別千里顧徘徊

霜風秋月映樓明寡鶴偏棲中夜驚月下徘徊顧別影風前悽斷送離
聲離聲一去斷還續別響時來疎復促聊看遠客贈綾紋彌怨閒宵雅
琴曲恆思昔日稻梁恩理翮整翰上君軒獨舞輕飛向吳市孤鳴清唳
出雷門王子吹笙忽相值自覺飄飄雲裏駛一舉千里未能歸惟有田
饒解深意

陳昭

義興國山人慶之之子慶之在梁以軍功封永興侯卒昭嗣位

昭君詞

陰鏗集亦載此詩今從樂府作陳昭藝文又作陳明疑卽昭也

跨鞍今永訣垂涕別親賓

涕一作淚

漢地隨行盡

隨行盡一作行將遠

胡關逐望新交河擁

寒霧

寒一作塞霧樂府作路

隴日暗沙塵

日一作首

唯有孤明月

有或一作且

猶能遠送人

聘齊經孟嘗君墓

薛城觀舊跡征馬屢徘徊盛德今何在唯餘長夜臺蒼茫空壟路顚顚

古松栽悲隨白楊起淚想雍門來泉戶無關吏雞鳴誰爲開

陳暄

昭之弟學不師受而文才俊逸後主在東宮引爲學士及卽位遷通直散騎常侍與王叔達孔範等入禁中陪宴號爲狎客暄通脫以俳優自居爲後主侮虐悸死

洛陽道

洛陽九達

一作衢

上羅綺四時春路傍避驄馬車中看玉人鎮西歌豔曲

臨淄逢麗神欲知雙璧價潘夏正連茵

長安道

長安開繡陌三條向綺門張敞車單馬韓嫣乘副軒寵深來借殿功多
競置園

置古樂府作買

將軍夜夜返弦歌著曙暄

紫騮馬

天馬汗如紅鳴鞭度九嶸飲傷城下凍嘶依北地風笳寒芳樹歇笛怨
柳枝空橫行意未已羞住轂車中

住或作往

雨雪曲

都尉出祁連雨雪滿雞田雕陵持抵鵲屬國用和氈冰合軍應渡樓寒
烽未然花迷差未著疎勒復經年

祖孫登

仕陳爲記室侯安都引以爲客

紫騮馬

英華作蘇子卿

候騎指樓蘭長城迥路難

迥一作迴

嘶從風處斷骨住水中寒

住樂府作任

飛塵暗

金勒落淚灑銀鞍抽鞭上關路誰念客衣單

宮殿名登高臺詩

獨有相思意聊敝鳳皇臺蓮披香稍上月明光正來離鵠

一作鶴

將雲散

飛花似雪迴遙思竹林友前牕夜夜開

賦得司馬相如

雍容文雅深王吉共追尋當壚應酤酒託意且彈琴上林能作賦長門得賜金唯當有漢主知懷封禪心

詠風

颿颿楚王宮徘徊繞竹叢帶葉俱吟樹將花共飈空飄香雙袖裏亂曲五弦中試上高臺聽悲響定無窮

詠水

驪泉紫闕映

一作龍川
紫閣映

珠浦碧沙沈岸闊蓮香遠流清雲影深風潭如拂

鏡山溜似調琴請君看皎潔知有澹然心

詠柳

馳道藏烏日鬱鬱正翻風抽翠爭連影飛綿亂上空高葉臨胡塞長枝
拂漢宮欲驗傷攀折三春橫笛中

賦得涉江採芙蓉

古詩涉江採芙蓉
蘭澤多芳草

浮照滿川漲芙蓉承落光人來間花影衣渡得荷香桂舟輕不定菱歌
引更長採採嗟離別無暇緝爲裳

蓮調

長川落照日深浦漾清風弱柳垂江翠新蓮夾岸紅船行疑汎迴月映
似沈空願逐琴高戲乘魚入浪中

詠城塹中荷

白水麗金扉青荷承日暉葉似環城蓋香亂上橋衣岸高知水落影合
見菱稀猶疑涉江處空望採蓮歸

劉刪

仕陳爲長史侯安都爲侍中大將軍引以爲客

泛宮亭湖

荊州記云宮亭湖廟神能使湖中分風而帆南北

迴艫乘派水舉帆逐分風
汎瀆疑無際飄颻似度空
檣烏排鳥路船影沒河宮
孤石滄波裏匡山苦霧中
寄謝千金子安知萬里蓬

賦得蘇武

奉使窮沙漠收淚上河梁
食雪天山近思歸海路長
繫書秋待鴈握節暮看羊
因思李都尉還漢不相忘

採藥遊名山

郭璞遊仙詩採藥遊名山將以救年頽

名山本鬱盤道士貴黃冠
獨馭千年鶴來尋五色丸
石牀新溜乳金竈欲成丹
定知無二價非復在長安

侯司空宅詠妓

陰鏗同賦

石家金谷妓粧罷出蘭閨
看花只欲笑聞瑟不勝啼
山邊歌落日池上舞前溪
將人當桃李何處不成蹊

賦松上輕蘿

葉繞千年蓋條依百尺枝屬與松風動時將薜影垂學帶非難結爲衣
或易披山阿若近遠獨有楚人知

賦得馬

獨飲臨寒窟離羣思北風陳王欲觀舞御史自隨驄邊聲隕客淚果下
益桃紅恆持沛艾影解向平陵東

賦得獨鶴凌雲去

藝文作劉那詩
紀作劉刪誤考

孤鳴思滄海矯翮避虞機怨別悽琴曲凌風散舞衣五里雖廻顧千年
會欲歸寄語雷門鼓無復一雙飛

詠青草

雨淋三春葉風傳十步香映袍憐色重臨書喜帶長

詠蟬

聲流上林苑影入守臣冠得飲玄天露何辭高柳寒

謝燮

陳書太建十二年吏部侍郎缺所司屢
譽謝燮等宣帝不用乃中召用蕭引

隴頭水

隴阪望咸陽，征人慘思腸。
咽流喧斷岸，遊沫聚飛梁。
鳬分歛冰，彩虹飲照旗光。
試聽饒歌曲，唯吟君馬黃。

雨雪曲

朔邊昔離別，寒風復淒切。
峩峩六尺冰，飄飄千里雪。
未塞袁安戶，行封蘇武節。
應隨隴水流，幾過空鳴咽。

空一作疑

明月子

杪秋之遙夜，明月照高樓。
登樓一迴望，望見東陌頭。
故人眇千里，言別歷九秋。
相思不相見，望望空離憂。

一作南

方諸曲

望仙室，仰雲光。
繩河裏，扇月傍。
井公能六著，玉女善投壺。
瓊醴和金液，還將天地俱。

早梅

迎春故早發，獨自不疑寒。
畏落衆花後，無人別意看。

蕭詮

南史蕭詮仕陳爲黃門郎

巫山高

巫山映巫峽高高殊未窮猿聲不辨處雨色詎分空懸崖下桂月深澗
響松風別有仙雲起時向楚王宮

賦得往往孤山映

青山照落暉映遠望連飛仙峯看玉笥關路視金微鼓吹聲疑盡香鑪
煙覺稀共君臨水別勞此送將歸

詠銜泥雙燕

銜泥金屋外表瑞玉筐中學飛疑漢妾巢幕憚吳宮爪截還猶短窠成
新尙空詎並零陵石飛舞逐春風

賦得夜猿啼

桂月影才通猿啼迥入風隔巖還嘯侶臨潭自響空挂藤疑欲飲吟枝
似避弓別有三聲淚霑裳竟不窮

賦得婀娜當軒織

東南初日照秦樓西北織婦正嬌羞綺牕猶垂翡翠幌珠簾半上珊瑚

鈎新粧入機映春牖弄杼鳴梭挑纖手何曾織素讓新人不掩流蘇推
中婦三日五匹未言遲衫長腕弱繞輕絲綾中轉躡成離鵲錦上廻文
作別詩不惜繞素同霜雪更傷秋扇篋中辭

賀徹

仕陳爲
左戶郎

採桑

蠶妾出房櫳結伴類花叢度水春衫綠映日晚妝紅釧聲時動樹衣香
自入風鈎長嫩樂府
作從枝曲葉盡細條空競採須盈手爭歸欲滿籠自憐

公府步誰與少年同

賦得長笛吐清氣

魏文帝善戔行悲絃
激清聲長笛吐清氣

胡關氛霧侵羌笛吐清音韻切山陽曲聲悲隴上吟柳折城邊樹梅舒
嶺外林方知出塞虜不憚武溪深

賦得爲我彈鳴琴

薄暮高堂上調琴召美人伯喈聲未盡相如曲復新點徽還轉弄亂爪
更留賓聊持一弦響雜起豔歌塵